



74
6288
11

六



大明集禮卷二十七

嘉禮十一

親王納妃

總序

親王納妃之禮。自漢以上不著其儀。漢高后時始定諸王聘禮。南齊武帝以昏禮奢貴。敕諸王納妃依禮上棗栗殿脩。其餘衣物停省。而其儀文不備。唐皇子納妃。則命親王主昏。遣使納采。問名納吉。納徵。請期。皆稱某王。亦行冊禮。親王



味均平藏



74
6288
11

親迎。妃至宮之明日。朝見皇帝皇后。**宋**皇子納夫人。稱國夫人。不行冊禮。其納采問名納吉納徵請期。皆皇帝臨軒遣使。皇子將親迎。皇帝臨軒醮戒。夫人至宮之明日。朝見皇帝皇后。又明日行盥饋禮。今擬

國朝親王納妃。

皇帝御

奉天殿遣使納采問名。既卜吉後。命使納吉請期。又遣官奏告。

宗廟訖。遣使備冊實行冊禮。親王將親迎。

皇帝臨軒醮戒。王至妃第。迎入宮。行同牢禮。明

日妃朝見

皇帝

皇后。又明日至

皇帝

皇后閣內。行盥饋之儀。今具歷代儀文。以著于篇。

冠服

禮部集禮

卷二十一

大明集禮 卷二十七
唐親王納妃。親迎。服袞冕。妃服花釵。褕翟衣。纁
耒。宋皇子納夫人。親迎。服九旒冕。夫人服褕翟
衣。花釵首飾。今擬

國朝親王納妃。服袞冕九章。妃服翟衣。冠九翬
四鳳冠。花釵九樹。兩博鬢。九鈿。詳見冠服篇。

車輅

唐制。諸王納妃。親迎。乘象輅。妃乘厭翟車。宋皇
子納夫人。皇子乘象輅。妃乘厭翟車。今擬

國朝諸王納妃。親迎。乘金輅。妃乘厭翟車。其詳

見車輅篇。

冊

其制見冊拜篇。

冊文

唐冊祀王妃。冊文曰。維建中二年十一月某日
甲子。皇帝使某官持節。冊命某官竇玆第若干
女為祀王妃。曰。於戲。禮以大昏崇繼嗣。本人倫
之教。詩言。泚女配君子。繫王化之綱。蓋率人成
風。由內及外。得不采配偶以固盤石。本閨門以

御家邦。詳求惟艱。歷選茲久。時乃之擇。得於舊
姻。柔婉稟乎天和。禮樂成於家法。明章婦順。虔
奉姆儀。克茂鵲巢之規。叶宣麟趾之美。其祗膺
嘉禮。欽率內教。淑慎厥心。無替於後。於戲。可不
慎哉。

禮物

漢制。諸王納妃。黃金五十斤。馬四疋。**魏**諸王娶
妃。用絹百九十匹。**晉**太康八年。有司奏王侯昏
禮。玄纁束帛加璧乘馬。**齊**武帝永明年中。以昏

禮奢貴。敕諸王納妃。用棗栗服備。加以香澤花
粉。**北齊**諸王聘禮。納采問名。納吉請期。親迎。皆
用羔羊一口。鴈一隻。酒黍稷米麵各一斛。納徵
用玄三匹。纁二匹。束帛十匹。大圭一。虎皮二。錦
綵六十匹。絹二百匹。羔羊一口。羊四口。犢二頭。
酒黍稷稻米麵各十斛。從車百乘。**唐**諸王納妃
納采問名。納吉請期。親迎。皆用鴈。納徵用玄纁
束帛大玉乘馬。**宋**皇子納夫人。其納財用函書
一通。玄纁羅五匹。綾十匹。押函馬二疋。羊五十

口。酒五十瓶。紅絹百匹。花粉十函。果十盤。花十
罩。塗金銀勝二十合。綃金生色繡衣十襲。真珠
翠毛玉釵朶三副。黃金器百兩。銀器千兩。衣著
千匹。錢五百千。錦綺羅綾三百匹。生帛綾絹六
百匹。今擬

國朝親王納妃。納采問名。納吉。請期。親迎。皆用
鴈。納徵。用玄纁束帛。大玉乘馬。及其他禮物。稱
是

納采

唐親王納妃。使者朝服乘犢車。備儀仗。至妃氏
第。立於大門外之西。主昏者立於東階。使者曰。
某公。既室某王。某王敬由先典。使某也。請納采。
主昏者曰。某之子。蠢愚。又弗教。某王命之。某不
敢辭。主昏者出門再拜。揖使者入。陳鴈。曰。敢納
采。主昏者北面再拜。使者奠鴈。主昏者受鴈。降
自西階以出。**宋**皇子納夫人。使者奉制至夫人
第。曰。某王之儼。屬於懿淑。慎之重之。使某行采
擇之禮。主昏者曰。臣某之子。顛愚。不足以備采

擇。恭承制命。臣某不敢辭。再拜受鴈。儀與唐同。
今擬

國朝諸王納妃。

皇帝御

奉天殿。遣使執鴈納采。其儀詳見儀注

問名

唐使者納采畢。出立於廟門外之西。主昏者降立於阼階下之東。使者曰。某既受命。將加諸卜。敢請女為誰氏。主昏者曰。某王有命。且以備教

而擇之。某不敢辭。主人再拜。揖使者入。使者授鴈。主人還阼階上西向。曰。某第某女。某氏出。使者降出。主昏者禮。使者及儉以幣馬。如前儀。**宋**皇子納夫人。使者納采訖。復入。曰。某奉制問名。主昏者再拜北面。答曰。臣某第幾女某氏出。其禮使者與唐同。今擬

國朝使者納采訖。就問名。其詳見問名儀注。

納吉

唐親王納妃。其日遣使至妃氏大門外。贊禮者

大明集禮 卷二十一
延入次。謁者引使者出次。立於大門外之西東面。主昏者立於阼階下西面。儼者進受命。出請事。使者曰。某公有貺。命加諸卜。占曰。某吉。王使某也。敢告。儼者入告。主昏者曰。某之子弗教。恐弗堪。某王有吉。某與在焉。某不敢辭。儼者出告。其拜迎陞堂受鴈之儀。並如納采。其禮賓如問名之禮。宋皇子納夫人。禮同唐制。今擬。

國朝親王納妃遣使納吉。詳見納吉儀注。

納徵

唐親王納徵之禮。其日。使者至妃氏大門外。掌次者延入次。謁者引使者出次。立於大門外之西東面。主昏者立於東階下西面。儼者進受命。出請事。使者曰。某公有嘉命。貺室某王。率由先典。使某也。以玉帛乘馬。請納徵。儼者入告。主昏者曰。某王順先典。貺某重禮。某敢不承命。儼者出告。使者奉玉帛。牽馬者從入。陳於庭。使者與主昏者揖入。使者曰。敢納徵。主人於阼階上北面再拜受束帛乘馬。其禮。使者皆如問名之儀。

宋皇子納夫人。其納徵則命使者奉珪以匱及玄纁束帛詣夫人第。曰。官占云吉。嘉耦既定。制使某以儀物告成。主昏者曰。奉制賜臣以重禮。臣某謹奉典制。其受玉帛禮使者與唐同。今擬

國朝諸王納妃。

皇帝臨軒遣使奉玄纁玉帛至妃第。行納徵禮。其詳見儀注。

請期

唐既納徵。使者執鴈詣妃氏第請期。使者曰。某

公有賜。既申受命矣。某王使某也。請吉日。主昏者曰。既前受命矣。惟命是聽。其受鴈及禮賓。並如納吉之儀。**宋**遣使請期。其儀與唐同。今擬

國朝諸王納妃。遣使執鴈至妃第請期。如宋儀。詳見儀注。

奉冊

唐冊親王妃。使者持節公服乘輅。備儀仗。奉冊及車輅冠服備物至妃氏第。主昏者公服立於阼階。使副奉冊入閣。至於內寢階間南面。持節

者立於使者之東西面。持冊案者又在其南。女相者及傅姆引導妃服翟衣立北面。使者稱有制。妃再拜。使者讀冊訖。妃又再拜。傅姆進受冊以退。使者出。主昏者拜送於門外。女相者引妃入。**宋**皇子納夫人。遣使奉告至妃第。曰。奉制賜某國夫人。告主昏者曰。臣某謹奉制。使者奉告箱入至寢門。以告置於案。女相者引夫人。花釵翟衣出。再拜受訖。女相者引夫人入。主昏者禮使者如唐儀。今擬

諸王納妃。

皇帝臨軒。命使者奉冊及翟衣花釵首飾車輅儀仗至妃第。行冊禮。其詳見儀注。

親迎

唐親王親迎。初昏。服袞冕。乘象輅。備儀仗。詣妃第。曰。以茲初昏。某也將請承命。儻者入告。主昏者曰。某固敬具以須。上昏者出迎。王入。主昏者陞阼階。西向立。妃母出立於房戶外之西南面。王陞西階。北面跪。奠鴈。再拜。降出。主昏者不降。

送王拜訖。姆導妃出。父命之曰。戒之敬之。夙夜無違命。毋戒之於西階上。施衿結帨。戒之曰。勉之敬之。夙夜無違。庶毋及門內。施鞶申之以父母之命。曰。敬恭聽宗父母之言。夙夜無愆。視諸衿鞶。王出大門乘輅還。妃鹵簿次從而行。**宋**皇子親迎。初昏服袞冕。乘象輅。備儀仗至妃第。曰。某奉制親迎。敢不恭承。主昏者曰。某固恭具以須。揖皇子入至寢戶前。陳鴈。北面再拜而出。主昏者不降送。皇子拜訖。姆導夫人出。父母及庶

母戒命皆如唐儀。皇子先出。夫人乘車以次行。今擬

國朝諸王納妃。服袞冕。乘輅至妃第親迎。還宮。其詳見親迎儀注。

醮戒

唐親王納妃。無皇帝臨軒醮戒之文。**宋**皇子納夫人。將親迎。皇帝醮戒於所御之殿。皇帝南向坐。皇子北面再拜訖。陛立於西東向。受飲食。又北向再拜。皇帝命之曰。親迎惟古。往帥以恭。皇

子曰。臣謹奉制。又再拜。今擬

國朝親王納妃將親迎。

皇帝臨軒醮戒。其詳見儀注

同牢

唐制王妃至宮降車。王揖妃以入。及寢門。又揖。王導妃陞自西階入室。即席。主盥南洗。妃盥北洗。王及妃皆即席坐。贊者授饌。三飯訖。王及妃皆興。再拜。受兩爵飲訖。用盃飲如初。王及妃又再拜。徹饌。王脫冕服於房。妃從者受之。妃脫服

於室。王從者受之。王入。燭出。妃從者餞王之餘。王從者餞妃之餘。**宋**皇子納夫人。同牢之禮皆與唐同。今擬

國朝諸王納妃。就王宮寢殿行同牢之禮。其詳

見同牢儀注

妃朝見

唐王妃至宮之明日。夙興沐浴。著花釵。褳翟衣。至皇帝閣外。伺皇帝陞御座。北面再拜訖。奉筭棗栗。陞自西階。跪奠於御座前。尚食進徹。司賓

引妃降復位。再拜訖。尚儀承制降詣妃宣勅訖。又再拜。司賓引妃詣皇后所御之殿。立於閣外。北面再拜訖。奉筭殿脩陞自西階。進跪奠於皇后座前。尚食進徹。司賓引妃降復位。再拜。尚儀承令降詣妃宣令訖。又再拜。**宋**皇子納夫人。至宮之明日。朝皇帝皇后。皇帝皇后醴夫人如宮中之儀。今擬

國朝王妃入宮。明日朝見

皇帝

皇后。其詳見儀注

盥饋

宋皇子夫人既朝見之明日。夙興沐浴。服芾釵翟衣。至皇帝閣外。候皇帝進膳。北面再拜訖。陞自西階。奉膳進供於皇帝前。降復位。再拜。又至皇后閣外。候皇后進膳。再拜。進膳如前。皇帝皇后饗夫人如宮中之儀。今擬

國朝王妃朝見之明日。詣

皇帝

大明集禮 卷二十一
皇后行盥饋之禮。其詳見儀注。

納采儀注

前一日。有司設使副次於妃氏大門之外。設使副序立於大門之東。西向北。設主昏者序立於大門內之西。東向。設香案於廳上之正中。設使副位於香案之東。西向北。設主昏者受制位於香案之南。北向。設贊禮位於廳下主昏者拜位之北。東西相向。設使副二人位於贊禮之南。東西相向。設引使者二人位於廳上南

楹之左右。東西相向。其日。使者奉制執鴈及禮物至妃氏第。儀仗鼓吹分列於大門外之左右。使者下馬。引禮引入次。執事者陳禮物於大門之外。使副者引主昏者朝服序立於大門外之西。東向。引禮引使者出次。立於大門外之東。執鴈者立於其南。皆西向。使副者進受命。出詣使者曰。敢請事。使者曰。奉制某王之儷屬於懿淑。使某行采擇之禮。使副者入告。主昏者曰。臣某之子昧於闡儀。不足以備采擇。恭承制命。臣某不敢辭。

僎者出告訖。主昏者出迎使者於大門外。僎者引主昏者。揖使者先入。立於西階之下。引禮引使者入。執鴈者後從。陞自東階。立於香案之東。執鴈者立於其南。執事者陳禮物于庭。僎者引主昏者就拜位。北向立定。贊禮唱鞠躬。拜興。拜興。平身。主昏者鞠躬。拜興。平身。僎者引主昏者陞自西階。至香案前。使者稱有制。僎者替跪。主昏者跪。使者曰。某奉制采擇。執鴈者以鴈授使者。使者受鴈以授主昏者。主昏者跪受鴈。

興。以授左右。僎者引主昏者降自西階。就拜位。贊禮唱鞠躬。拜興。拜興。平身。主昏者鞠躬。拜興。拜興。平身。贊禮唱禮畢。僎者引主昏者退立於西。使者降自東階出。主昏者帥執事各收禮物。

問名儀注

納采禮畢。使者降立於中門外之東西面。主昏者降立於西階下。東向。僎者進受命。出詣使者前。曰。敢請事。使者曰。某既受命。將加諸卜筮。奉制問名。僎者入告。主昏者曰。制以臣某之子可。

以奉侍某王。臣某不敢辭。儼者出告訖。入引主昏者出迎使者於中門之外。儼者引主昏者揖使者。主昏者入門而左。使者入門而右。執鴈者從入。主昏者立於西階之下。使者陞自東階。至香案前西向立。執鴈者立於其南。皆西向。儼者引主昏者就拜位。贊禮唱鞠躬。拜興。拜興。平身。主昏者鞠躬。拜興。拜興。平身。儼者引主昏者陞自西階。至香案前北面立。使者稱有制。儼者贊跪。主昏者跪。使者宣制曰。奉制問名。主昏者曰。

臣某第幾女某氏出。執鴈者以鴈進授使者。使者受鴈。以授主昏者。主昏者跪受鴈。興。以授左右。儼者引主昏者自西階降。就拜位。贊禮唱鞠躬。拜興。拜興。平身。主昏者鞠躬。拜興。拜興。平身。贊禮唱禮畢。儼者引主昏者退立於西。主昏者帥執事各收禮物。引禮引使者出至中門外。儼者出。請使者入行飲食之禮。畢。主昏者送於門外。

納吉儀注

前一日。有司於妃氏第陳設。如納采之儀。其日。使者至妃氏大門外下馬。引禮者迂入次。執事者陳禮物於大門之外。儂者引主昏者朝服立於大門內之西東面。引禮引使者出次。立於大門外之東。執鴈者立於其南。儂者進受命。出詣使者前曰。敢請事。使者曰。卜筮協從。使某告吉。儂者入告。主昏者曰。臣某之子愚弗克堪。占臆之吉。臣與有幸。臣謹奉典制。儂者出告訖。入引主昏者出。迎於大門之外。儂者引主昏者揖。主昏者入門而左。使者入門而右。執鴈者從入。主昏者立於西階之下。引禮引使者陞自東階。立於香案之東。執鴈立於其南。執事者各陳禮物於庭。儂者引主昏者就拜位北向立定。贊禮唱鞠躬。拜興。拜興。平身。主昏者鞠躬。拜興。拜興。平身。儂者引主昏者陞自西階。至香案前北向立。使者稱有制。儂者贊跪。主昏者跪。使者宣制曰。奉制告吉。執鴈者以鴈進授使者。使者受鴈。以授主昏者。主昏者跪受。鴈興。以授左右。儂者引

主昏者降自西階。就拜位。贊禮。留鞠躬。拜。興。拜。興。平身。主昏者鞠躬。拜。興。拜。興。平身。贊禮。留禮。畢。儂者引主昏者退。立於西。引禮。引使者出。至中門外。儂者出。請使者入。行飲食之禮。畢。主昏者送于門外。

納成儀注

前一日。有司於妃氏第陳設。如納采之儀。其日。使者承制。奉玄纁玉帛。至妃氏第。儀仗分列於大門外之左右。引禮引入次。執事者陳禮物於大門外。設玉帛案於正中。儂者引主昏者立於大門內之西。引禮。引使者出次。立於大門外之東。儂者進受命出。詣使者前曰。敢請事。使者曰。某王之儂。卜既協吉。制使某以儀物告成。儂者入告。主昏者曰。奉制賜臣以重禮。臣某謹奉典制。儂者出告。入引主昏者出迎于大門外。儂者引主昏者揖。使者入。主昏者立於西階之下。引禮。引使者陞自東階。立於香案前之東。舉案者舉玉帛案由東階陞。置於香案之南。奉玉帛者

立於使者之南。稍後西向。舉案者退立於西。僮者引主昏者就拜位。贊禮唱鞠躬拜興。拜興。平身。主昏者鞠躬拜興。拜興。平身。僮者引主昏者陞自西階。至香案前。使者稱有制。僮者贊跪。主昏者跪。使者宣制曰。奉制告成。奉玉帛者詣案取玉帛。進授使者。使者受玉帛。以授主昏者。主昏者跪受玉帛。興。以授左右。僮者引主昏者降自西階。至拜位。立定。贊禮唱鞠躬拜興。拜興。平身。主昏者鞠躬拜興。拜興。平身。贊禮唱禮畢。僮者引主昏者退立於西。諸執事各收禮物。引禮引使者出。至中門外。僮者出。請使者入行飲食之禮。畢。主昏者送於門外。

請期儀注

其儀與納吉同。惟使者宣制。某月某日。消吉。制使某告期。主人答曰。謹奉命。

遣使奉冊儀注

其儀與皇太子納妃同。

九日集禮 卷三十一
醮戒儀注

前期內使監設

御座於

奉天殿如常儀侍儀司設

親王次於

奉天殿東耳房內設

親王席位於

奉天殿之西東向設司爵內使二人於席位之左右司饌內使二人於司爵之東皆相向設

親王受醮戒位於

御座之南北向設

親王拜位於

丹陛上北向設王府官拜位於

丹墀之兩旁重行北向設贊禮二人位於

親王

丹陛上拜位之北東西相向知班二人位於贊禮之南東西相向設文武百官侍立位於文武樓之北東西相向設引文武班舍人四人

位於文武官之北。東西相向。設引文武班四人位於文武班之北。稍後。東西相向。將軍二人位於殿上簾前。東西相向。將軍六人於

奉天門之左右。東西相向。又將軍四人位於丹陛上之四隅。東西相向。又將軍六人位於奉天殿之左右。東西相向。鳴鞭四人於

丹陛上北向。儀鸞司光祿寺官對立位於

奉天殿門之左右。東西相向。是日金吾衛陳設軍仗於

午門外之東西。旗仗於

奉天門外之東西。儀鸞司陳設儀仗於

丹陛

丹墀之東西。和聲郎設樂於

丹墀之南。備而是日未明。王府侍從官導從

親王至次。諸執事者各就位。引進啓

親王。具袞冕服。侍儀奏外辦。御用監奏請

皇帝服通天冠。絳紗袍。御輿以出。侍儀侍從敬蹕如常儀。

皇帝將出。仗動。陞

御座。將軍捲簾。鳴鞭。司晨。即鷄。唱報時訖。引進

引

親王。袞冕。由東陞。陞。至

丹陛。位北面。立定。贊禮。唱。鞠躬。拜興。拜興。拜興。

拜興。平身。

親王。鞠躬。拜興。拜興。拜興。拜興。平身。贊禮。唱。鞠

躬。拜興。拜興。拜興。拜興。平身。王府官。鞠躬。拜興。

拜興。拜興。拜興。平身。引進引

親王。由

奉天殿東門入。就席位。東向立。司爵。內使。斟酒。

以醖。進授

親王。

親王。跪。搢圭。受醖。祭酒。少許。以醖。授內使。內使

跪。受醖。司饌。內使。以饌。進授

親王。

親王。跪。受饌。以饌。授內使。內使。跪。受饌。置於席。

興。立於

親王之左。引進啓

親王興。引進啓就席坐。飲食訖。引進引

親王立於

御座前。北向。引進啓跪。

親王跪。

皇帝命之曰。往迎爾相。承我宗事。勗帥以敬。

親王曰。臣某謹奉

制旨。引進啓俯伏興。

親王俯伏興。引進引

親王由東門出。至

丹陛上拜位立定。贊禮唱鞠躬。拜興。拜興。拜興。

拜興。平身。

親王鞠躬。拜興。拜興。拜興。拜興。平身。贊禮贊禮

畢。

皇帝降座還宮。引進引

親王由東階降。退出。文武百官以次出。

親迎儀注

前一日。有司設

親王次於妃氏大門之外南向。又設王府官次於

親王次之南。東西相向。設

親王序立位於大門外之東。西向。又設

親王奠鴈位於閣門外。北向。設主昏者立位於

閣門外之西。東向。其日質明。妃父具酒脯告於

家廟。親迎前三刻。王府官具朝服。陳鹵簿鼓吹

於王府門外。典儀啓請

王具袞冕服。王府官捧寶詣閣奉迎。拱衛司進

金輅於王府內。

王具冕服。引進啓陞輿。

王乘輿以出。侍御導從如常儀。至府門。引進啓

降輿乘輅。

王降輿陞輅。輅動。王府官以下皆從。執鴈者奉

鴈從其後。

王至妃氏大門外。回轅南向。鹵簿鼓吹分列於

左右。王府官皆下馬。引進啓降輅乘輿。

王降輅陞輿。侍從導引至次。引進啓降輿。

王降輿入就次。王府官各就次。

王將至。主昏者設會宴女。

王既入次。宮人傳姆啓妃服。褕翟花釵。前後擁

護。出就閣內位前南向立。傳姆立於妃之左右。

宮人內侍分立於其後。主昏者具朝服。陞自西

階下。引進引

王出次。立於大門之東西向。左右侍御如常儀。

儻者朝服。進受命出。立於門東西面。曰。敢請事。

引進跪啓

王。王曰。某奉制親迎。引進受命興。傳於儻者。儻者入告。引主昏者出迎。

王於大門外之西東向。儻者唱鞠躬。拜興。拜興。

平身。主昏者鞠躬。拜興。拜興。平身。

正答禮。拜興。拜興。平身。引進引

王入門而左。主昏者入門而右。執鴈者從入。引

進引

王陞東階。進立於閣門戶前北向。主昏者陞自

西階。立於閣門外之西東向。引進啓跪。

王跪。引進啓奠鴈。執鴈者以鴈西向跪授

王。王搢圭受鴈。以授主昏者。主昏者搢笏跪受。鴈興。以授左右。退立於西。引進啓出圭。俯伏興。平身。

王出圭。俯伏興。平身。引進啓鞠躬。拜興。拜興。平身。

王鞠躬。拜興。拜興。平身。引進引

王降自東階。出至次。以伺。主昏者不降送。初

王入門。妃母出立於門外。

王奠鴈位之西南向。

王拜訖。宮人傅姆導妃出立於母左。主昏者進命之曰。戒之敬之。夙夜恪勤。毋或違命。毋命之曰。勉之勉之。爾父有訓。徃承惟欽。庶毋申之曰。恭聽父母之言。宮人傅姆擊執導從出門。司閨啓妃陞輿。出中門。司閨啓妃降輿。乘厭翟車。所司陳列鹵簿如式。妃將出。引進啓請王陞輅。輅動。王府官皆上馬。從行如來儀。王車輅至王府門外。侍從官皆下馬。

王車輅至門內。引進啓降輅乘輿。

王降輅陞輿以入。侍從官從至閤。引進啓降輿。王降輿入閤以伺。

同牢儀注

前一日。內使監設妃次於王府內殿之西。南向。司閤設幄於內殿之正中。設

王之座於幄中之東。西向。設妃座於幄中之西

與王座相對。設西南向。

王洗一於殿之東。司中宮人一人位於洗南。司

盥宮人一人位於洗北。皆西向。設妃洗一於殿

之北。司巾宮人一人位於洗南。司盥宮人一人

位於洗北。皆東向。設酒案於幄之南正中。陳酒

樽於案上。設四爵兩盃於酒樽之北。爵盃皆以

之又設食案二於酒樽之北。其日晡後。妃車輅

將至。內使監於內殿大次前設步障地衣。至幄

內伺。妃輅入王府門。鹵簿分列於門內外。傳姆

及宮人皆下輦。各擎執擁護入至內殿前。司閤

大明集禮 卷二十七
啓請降輅乘輿。妃降輅陞輿。宮人侍從如前儀。至幄次前。司閨啓請降輿。妃降輿。執繖扇燭籠。宮人布列前後。傅姆導引妃入次。整飾。司閨引妃出立於內殿西階之下東向。內侍引王揖妃以入。

王先陞。司閨導妃後陞。入內殿。內侍引

王就洗位。內侍啓沃手。宮人酌水。

王盥手。內侍奏悅手。宮人以巾進。

王悅手。內侍啓請

王就座前西向立。

王盥手特。司閨啓請妃至盥洗所。司閨啓盥手。

宮人酌水。妃盥手。司閨啓悅手。宮人以巾進。妃

悅手。司閨啓請妃就座前東向立。內侍司閨各

啓請

王及妃皆就座。

王侍從立於幄東。妃侍從立於幄西。司饌宮人

舉食案進供於

王及妃之前。司饌以饌進。

王及妃皆食訖。司饌各徹饌。司醞宮人取爵酒進供於

王妃。

王妃皆飲訖。司醞各徹虛爵。司饌再以饌進。

王妃各饌訖。徹饌如前。司醞再取爵酒以進

王妃。

王妃各飲訖。司醞徹爵如初。

王妃三饌訖。司醞取盃酌酒以進

王。王受盃。司醞取盃酌酒以進。妃受盃。各飲

訖。司醞徹虛盃。內侍啓禮畢。

王及妃皆興。內侍及內使監官宮人等導從

王入宮。司閨及傅姆宮人等導從。妃入宮。內侍

啓請

王更禮衣。司閨啓請妃服常服。王從者餞妃之

饌。妃從者餞王之饌。

妃朝見儀注。

其日。妃夙興沐浴。服褕翟首飾畢。司閨啓請出閣。宮人內侍等導從。妃出閣。至內宮門。司閨啓

大明集禮 卷二十七
請乘輿。妃乘輿以出。至內東門。司閨啓請降輿。內使及傅姆導引妃入宮。障扇侍從如常。至內殿階下。內使監令入奏。

皇帝服通天冠。絳紗袍。即

御座南向。左右侍從如常。司閨引妃入詣庭前北面立。內贊贊拜興。拜興。妃拜興。拜興。司閨引妃自西階陞。宮人奉棗栗同陞。至

御座前。宮人以棗栗進授妃。妃受棗栗進奠於御座前。尚食進徹以東。司閨引妃降自東階。復位北面立。內贊贊拜興。拜興。妃拜興。拜興。內贊贊禮畢。司閨啓請妃至。

皇后殿。傅姆宮人等導從如前。至

皇后所御殿。立於閣門之外。尚宮奏

皇后褱衣首飾。即南向座。左右侍御如常儀。司閨引妃入詣殿庭位北面立。內贊贊拜興。拜興。妃拜興。拜興。司閨引妃由西階陞。宮人奉殿脩以從。至。

皇后御座前北面立。宮人奉殿脩進授妃。妃受

殿脩進供於

皇后座前。尚食進徹以東。司閨引妃降復位。內贊贊拜興。拜興。妃拜興。拜興。內贊贊禮畢。傳姆導妃退。

皇帝

皇后醴妃如宮中之儀。

盥饋儀注

其日。妃夙興沐浴。服褕翟衣首飾。司閨啓請出閣。官人內侍傳姆等導從妃出閣至內宮門外。

司閨啓乘輿。妃乘輿以出。至內東門。司閨啓請降輿。內使及傳姆導引妃入宮。障扇侍從如常儀。至

皇帝閣外。候

皇帝進膳。司閨引妃入立於庭北面。內贊贊拜興。拜興。妃拜興。拜興。司閨引妃陞自西階。至御座前。尚食官人以膳進授妃。妃受膳進供於皇帝前。司閨引妃降自西階復位。內贊贊拜興。拜興。妃拜興。拜興。內贊唱禮畢。司閨啓請至

皇后殿傳姆宮人內侍等引妃詣
皇后所御殿立於閣外候

皇后進膳司閨引妃入立於庭北面內贊贊拜
興拜興妃拜興拜興司閨引妃由西階陞至

皇后前尚食宮人以膳進授妃妃受膳進供於
皇后前司閨引妃降自西階復位內贊贊拜興


拜興妃拜興拜興內贊留禮畢司閨引妃出閣
皇帝

皇后饗妃如朝見之儀

謁廟儀注

儀見冊拜篇

臨軒遣使



集禮卷三十一

將軍

將軍

將軍

將軍

將軍

將軍



位立侍官文

武官侍立位

引班
引班

引班
引班

護衛 護衛

使

副使

引禮 引禮

護衛 護衛

鎮撫

贊禮

鎮撫

集禮卷三十三

典儀 天武

天武

典儀 天武

宿衛 宿衛 宿衛 宿衛

天武 將軍

將軍

將軍

將軍

將軍

將軍

宿衛 宿衛 宿衛 宿衛

贊禮

贊禮

贊禮

贊禮

贊禮

贊禮

一

一

一

四
四
四

將軍

將軍

奉制

執節

主

樂

舞

奉

位之侍官文

位

位

位

位之侍官武

奉冊官

舉冊案

舉冊案

位

納采 問名 納吉 納成 請期 同

集禮卷二十七 三十四

次副使


位之副使

主昏者位

位

位

朝見 盟饋同




奉奠

玉帛舞位

服楮

集禮卷之三十五



使者

副使

執事

執事

執事

執事

執事

執事

執事

賓者

贊禮


引使者位

贊禮

公主出降

總序

古者天子嫁女。不自主昏。以同姓諸侯主之。故曰公主。春秋莊公元年。築王姬之館于外。此天子嫁女。而魯為之主也。**秦**代因之。亦曰公主。**兩**之制。帝女稱公主。帝姊妹為長公主。皆以列侯尚之。**漢**武帝以金鄉公主適駙馬都尉何晏。**唐**皇姑為大長公主。亦謂之長公主。姊妹為長公主。女為公主。公主下嫁。則以親王為主昏。凡



尚主亦拜駙馬都尉。其受聘禮，皆於光順門外。公主至夫家，朝見舅姑，行盥饋禮。**宋**初公主下嫁，選壻召見，即拜駙馬都尉，賜玉帶襲衣，謂之繫親。出降則賜甲第，壻家行五禮，皆令掌昏者於內東門納表，壻至東華門親迎。公主至壻家之明日，謁見舅姑。又明日行盥饋之禮。今擬

國朝

公主下嫁，令掌昏者於內東門行五禮。至期，壻服朝服詣東華門親迎。公主至，胥第之。明日謁

見舅姑。又明日盥饋。今具其儀以著于篇。

冠服

漢公主冠服，大手髻簪珥，服純縹上下。其長公主首服加步搖。**魏**公主大手髻七鈿蔽髻簪珥。長公主得加步搖，其服以文繡。**唐**公主大手髻繡衣裳，黃綬。長公主則紫綬。**唐**公主出降，服花釵褕翟衣，繡袖。**宋**公主出降，首飾花九樹，服褕翟。今擬

國朝

卷二十七

三十一

三十一

公主出降。服九翬四鳳冠。褕翟衣。其詳具冊拜篇。

車輅冊印

並見冊拜篇

禮物

魏制。公主嫁禮用絹一百九十匹。**晉**用絹三百匹。**北魏**南陽公主嫁蕭寶寅。賜絹一千。并給禮具。**宋**公主聘。其進財函書一。玄纁五。錦三。五色綾羅十。押函馬二。羊百。酒百。紅綾絹二百。花二

十單。脂粉二百盞。銀果六百。臘麵茶二百斤。花餅二十事。金銀勝百合。銀錢二十千。頭帶紅羅百匹。金釵釧十雙。金纏二副。真珠翠毛玉釵六頭。真珠琥珀玉水精瓔珞五項。面花耳環百一十。綴珠銷金盤金繡畫衣二十襲。錦綺羅綾紗縠千匹。塗金銀器二千兩。生綾二千匹。錢二千貫。金合二。重三百兩。今擬



公主出降

大明集禮 卷二十一
遣使奉冊及

公主受冊其儀並見冊拜篇

納采問名

唐公主將出降。以親王主昏。於光順門外設次。行五禮。壻家遣使者奉鴈及禮物。至光順門外所設次。主昏者立於門內東階下。使者曰。朝恩貺室於某公之子。某公有先人之禮。使某也。謹納采。主昏者曰。敢不敬從。使者陳鴈。主昏者受鴈訖。使者出。再奉鴈入。主昏者還立階之上。

西面曰。皇帝第某文。封某公主。使者陳鴈。主昏者受鴈訖。使者出。主昏者禮使者於戶牖之間。贈之篚幣及兩馬。辭曰。吾子爲事故。至於寡人之室。寡人有先皇之禮。請禮從者。禮畢。使者還。宋公主下降。壻家具鴈及禮物。修表向闕再拜訖。奉舉以行。表在前。禮物次之。掌昏者在後。入東華門。至內東門。掌昏者跪搢笏。以納采表授內謁者。進入訖。掌昏者出。次西向立。又以問名表跪授內謁者。進入。諸捧輿者以次出。今擬

國朝

公主下嫁。壻家備禮物表文於家庭望

闕再拜訖。掌昏者奉舉至

東華門次。行納采問名禮。餘見儀注

納吉

唐 公主出降。壻家既卜吉。使者奉鴈至光順門

次。僮者出請事。使者曰。加諸卜。占曰吉。使某也

納吉。敢告。主昏者曰。某公有吉。寡人與在焉。寡

人不敢辭。使者陳鴈。主昏者受鴈。禮使者如問

名之儀。**宋** 壻家具禮物用鴈。修表陳於廳事。掌

昏者公服省視訖。置於絲輿。設香案於庭中。掌

昏者率壻向闕再拜訖。奉舉以行。至內東門外。

以納吉表跪授內謁者進入。今擬

國朝

公主下降。壻家既卜吉。備禮物表文陳於庭望

闕再拜。掌昏者奉至

東華門次。行納吉禮。詳見納吉儀注

納徵

唐壻家既納吉。命使者奉玄纁束帛玉馬至光順門外。次以玄纁束帛陳於幕上。奉玉於幕東。使者曰。朝恩貺室於某公之子。某公有先人之禮。使某也。以玉帛乘馬請納徵。主昏者曰。某公順先典。貺以重禮。寡人敢不承命。餘如納吉之儀。**宋**前一日。壻家具玉幣禮物表文進納。如納吉之儀。今擬

國朝

公主出降。壻家具玄纁玉馬表文及他禮物。命

掌昏者奉至

東華門。行納徵之禮。詳見儀注

請期

唐壻家既納徵。命使者捧鴈至光順門外。次曰。朝恩有賜。既申受命。某公使某請吉日。主昏者曰。寡人既前受命。惟命是聽。使者曰。某公命某聽命於王。主昏者曰。寡人固惟命是聽。使者曰。某公使某受命於王。王不許。某敢不告。期曰。某日。餘並如納徵之儀。**宋**制前一日。壻家具禮物

用鴈修表進納其儀皆與納徵同今擬

國朝

公主下降壻家具禮物表文詣

東華門請期詳見儀注

親迎

唐制壻將親迎壻父告廟醮子訖子再拜降出乘輅備儀仗詣主昏者第主昏者醴公主公主服花釵褕翟纁袴主昏者立東階壻入再拜奠鴈出姆導公主出主昏者戒之曰戒之敬之夙

夜無違命主婦戒之曰勉之敬之夙夜無違壻乘輅先還第公主陞輅備鹵簿後行**宋**壻父告於禰廟訖醮子於廳事命之曰往迎爾相以惠宗祏子再拜曰祗承嚴命又再拜出乘馬至東華門有司陳公鹵簿儀仗於門外公主陞厭翟車壻出次於內東門內陳鴈公主陞車壻再拜先還第今擬

國朝

公主下降壻將親迎壻父醮戒訖壻乘馬至

東華門內行親迎之禮其禮詳見儀注

同牢

唐公主下降至壻家行同牢禮如親王之儀宋壻親迎回至本第下馬以候公主至公主降車贊者引壻揖公主入及寢門壻導公主陞階扇燭陳列贊者引公主入於室壻盥於南洗公主盥於北洗贊者設酒饌壻及公主即座飲食遂薦饌再飯三飯畢壻及公主興皆再拜入今擬

國朝

公主下降至壻家行同牢禮詳見同牢儀注

見舅姑

唐公主出降之明日夙興沐浴著花釵服褕翟舅服公服西向坐姑著鈿釵禮衣南向坐公主陞自西階東面再拜跪進棗栗於舅前退北面再拜跪進股脩於姑前訖又再拜舅姑設醴公主席於姑席之西少北南向醴訖姑先降自西階公主降自東階宋公主夙興著花釵服褕翟以候見贊者設舅姑位於堂上舅位在東姑位

在西。舅姑俱服其服。公主陞自西階。詣舅位前。再拜。奉棗栗以進。訖。又再拜。次奉服脩。至姑位前。又再拜。舅姑醴。公主如前儀。今擬。

國朝

公主出降之明日。服褕翟花釵首飾以見舅姑。其儀詳見儀注。

盟饋

唐公主盟饋以少牢。公主服其服如見禮。盟饋舅姑訖。舅姑設公主席於舅姑席東北。南向以

醴之

宋

公主盟饋之禮。設舅姑位於堂上。東西

相向。俱即座。女相者引公主陞自西階。進詣舅姑之東。贊者以饌進公主。置於舅姑位前。贊者加七箸。舅姑俱食畢。公主各再拜。設饗婦位於姑位之北。少東西向。女相者引公主立於座之西。贊者舉饌置於位前。加以七箸。公主即座食畢。再拜降階退。今擬。

國朝

公主既見舅姑之明日。行盟饋之禮。詳見儀注。

納采問名儀注

公主將出降奉

制擇壻訖。令某王或某官為掌昏。至期。掌昏者先具納采時日奏聞訖。前一日。壻家設香案於正廳南向。設表案於香案之北。設掌昏者立位於香案之東。設壻父拜位於廳下正中。北向。壻拜位於其後。設贊禮二人。位於壻父拜位之北。東西相向。設壻父進表位於香案之南。北向。設奉表執事位於進表案之西。東向。至日以表置

于案。陳鴈及他禮物於廳。設奉表綵輿於大門之正中。掌昏者服朝服。省祝訖。立於香案之東。引禮引壻父及壻服朝服。跪拜位。北向立。贊禮唱鞠躬。拜興。拜興。拜興。拜興。平身。壻父及壻皆鞠躬。拜興。拜興。拜興。拜興。平身。引禮引壻父陞自西階。至香案前。北向立。引禮唱跪。壻父跪。贊禮唱跪。壻亦跪。引禮唱上香。上香。三上香。壻父三上香。訖。引禮唱進表。奉表執事詣案。取納采表。跪進於壻父之左。壻父受表。以授掌昏者。掌

昏者跪受表興復置于案執事者復詣案取問
 名表跪進於壻父之左壻父受表以進掌昏者
 掌昏者跪受表興復置于案引禮唱俯伏興平
 身贊禮唱俯伏興平身壻父及壻皆俯伏興平
 身引禮引壻父降自西階復位北向立贊禮唱
 鞠躬拜興拜興拜興拜興平身贊禮唱禮畢引禮
 引壻父及壻退立於西掌氏者奉表先行執事
 者奉鴈及他禮物以次行壻父及壻從其後至

大門外以表置綵輿中奉舉以行表在前禮物
 次之掌昏者乘馬行於後至

東華門下馬及

內東門外以表興及禮物陳列如儀以伺引禮
 引掌昏者立於門之右內使監令出立於門之
 左掌昏者進詣內使前曰

朝恩貺室於某公之子某公冒先人之禮使臣
 某請納采執事者就綵輿取納綵表跪授掌昏
 者掌昏者搢笏跪受表以授內使內使跪受表

興奉表進入於內殿。執鴈及禮物者從入。掌昏者退就次以伺。內使將出。掌昏復立於

內東門之西。內使出。掌昏者進詣內使前曰。將

加卜筮。使臣某問名。執事就案取問名表文跪

授掌昏者。掌昏者跪受表以進。內使跪受

表興。奉表進入於內殿。執鴈及奉禮物者從入。

掌昏者立以候。內使出曰。有

制。贊禮唱跪。掌昏者跪。內使宣制曰。

皇帝第幾女封某公主。宣訖。贊禮唱俯伏。興。平

身。掌昏者俯伏興。平身。贊禮引掌昏者入就次。

賜宴訖。掌昏者還。諸捧輿者以次出。

納吉儀注

前一日。壻家陳設香案。及拜位。一如納采之儀。

至日進表及禮物。掌昏者進至

內東門外。既至。掌昏者進詣內使前曰。加諸卜

筮。占曰從吉。謹使臣某敢告。執事者取表。掌昏

者進表。皆如納采問名之儀。

納徵儀注

大明集禮 卷之二十一
前一日。壻家陳設香案表案及拜位。一如納吉之儀。其日。又設玉帛案於表案之南。以表及玉帛置于案。陳禮物於廳事。設表與及玉帛與於大門外之正中。掌昏者服朝服省視訖。立於香案之東。引禮引壻父及壻各服公服就拜立定。贊禮唱鞠躬。拜興。拜興。拜興。平身。壻父及壻皆鞠躬。拜興。拜興。拜興。平身。引禮引壻父陞西階。至香案前。引禮唱跪。壻父跪。贊禮唱跪。壻亦跪。引禮唱搢笏。上香。上香。三上香。壻父

搢笏。三上香訖。執事者詣案取表跪授壻父之左。壻父受表跪進於掌昏者。掌昏者跪受表興。復置于案。執事者復詣案取玉帛跪授壻父。壻父受玉帛以進。授於掌昏者。掌昏者跪受玉帛。興。復置于案。引禮唱俯伏興。平身。壻父俯伏興。平身。贊禮唱俯伏興。平身。壻俯伏興。平身。引禮引壻父降自西階。就拜位立定。贊禮唱鞠躬。拜興。拜興。拜興。平身。壻父及壻皆鞠躬。拜興。拜興。拜興。平身。贊禮唱禮畢。引禮引壻父

及壻退立於西。掌昏者奉表。執事奉玉帛及禮物出。壻父及壻送至大門外。掌昏者以表及玉帛各置絲輿中。奉舉以行。表輿在前。玉帛次之。禮物又次之。掌昏者乘馬行其後。至

東華門下馬入。

內東門外。以表輿及禮物陳列如儀。引禮引掌昏者立於門之右。內使出立於門之左。掌昏者進詣內使前曰。

朝恩貺室於某公之子。某公有先人之禮。使臣

某以束帛乘馬納徵。執事者就絲輿取表跪授。掌昏者。掌昏者搢笏跪受表。以授內使。內使跪受表。與引禮唱俯伏。與平身。掌昏者俯伏。與平身。內使奉表進入於內殿。執玉帛禮物者從入。掌昏者退就次以伺。內使出引掌昏者就次。賜宴訖。掌昏者還。諸奉輿者以次出。

請期儀注

儀與納吉同。其辭曰。某公命臣某謹請吉日。

親迎儀注

前一日。內使監設壻次於

內東門內。又設

皇帝

皇后醴女位於內殿。皆南向。設

公主受醴位於

御座之南。北向。其日。壻服公服告廟曰。

國恩貺室於某。壻名以某日親迎。敢告。子將行。

父醮於廳曰。往迎爾相。承我宗事。勗帥以敬。先

妣之事。若則有常。壻再拜降出。乘馬備儀仗。執

鴈及禮物者。後從。至

東華門下馬。入至內東門內。執鴈者及奉禮物

者各陳禮物於庭。壻將至。內使延入次。其日

皇帝

皇后醴女如宮中之儀。禮部陳設

公主鹵簿儀仗車輅鼓吹於

內東門外。內使監令奏請

皇帝

皇后即御座。



皇帝服通天冠。絳紗袍。

皇后服首飾。褱衣。陞

御座。左右侍從如常儀。保姆內侍侍女等奉

公主著花釵。褱。出閣。就

御座前北向立。傳姆二人立於

公主之左右。侍女侍立於

公主之後。傳姆贊拜興。拜興。拜興。拜興。

公主拜興。拜興。拜興。拜興。

皇帝戒之曰。戒之敬之。夙夜無違命。

皇后戒之曰。勉之敬之。夙夜無違。

公主受命訖。保姆又贊拜興。拜興。拜興。拜興。

公主拜興。拜興。拜興。保姆及侍女導引

公主降階。內命婦及宮人內侍送至內殿門外。

侍女請

公主乘輿。

公主陞輿。侍女執繖扇擁護至

內東門。侍女請降輿陞輅。

公主將陞輅。內使引壻出次立於

內東門內。執事者執鴈立於後。候。

公主陞輅。執鴈者以鴈跪授壻。壻受鴈跪進于內使。內使跪受鴈。以授左右。贊禮唱俯伏。興拜。興拜。興。平身。壻俯伏。興。拜。興。平身。內使引壻先出乘馬。還第。

公主鹵簿車輅後發。內外命婦及宮人應送者乘輦後從。如常儀。

同牢儀注

公主至壻家。行同牢之禮。前一日。壻家設

公主次於寢室之外。設幄於寢室正中。設壻座於幄西。東向。設

公主座於幄東。西向。設

公主巾洗於寢室之北。設壻巾洗於寢室之南。

設酒案於寢室南楹正中。設酒樽於案上。設四

爵兩盃於酒樽之北。爵盃皆以酒器代之今設食案二於

酒案之北。其日初昏。

公主車輅將至。侍女於內門之內。設步障至寢室。

大明集禮 卷二十七
公主至壻第。鹵簿分列於大門之外。傳姆及侍
女皆下輦。至大門內。保姆請

公主降車陞輿。

公主降車乘輿。障以行幄。侍女執繖扇遮護。至
寢室前。保姆請降輿。

公主降輿。保姆導引

公主入次。整飾贊者引壻禮迎。至次前。保姆侍
女等引

公主出次。壻揖

公主入寢門。至階。壻導

公主陞階。執扇者陳列於前後。入室。侍女引
公主至此。洗盥手。壻從女沃之。侍女引壻至南
洗盥手。

公主從女沃之。盥手訖。司儀引

公主壻各就座。壻從者立於幄西。

公主從者立於幄東。侍女各舉食案進供於壻
及

公主之前。侍女各以饌進。壻及

公主進饌畢。侍女徹饌。以爵斟酒進於壻及
公主。飲畢。侍女再以饌進。壻及

公主饌畢。徹如前。侍女再取爵酒以進。壻及
公主飲畢。徹爵如初。壻及

公主三饌畢。侍女取盃酌酒以進。壻及

公主各受盃。飲畢。侍女徹盃。可儀請壻及

公主皆興。保姆及侍女導引壻及

公主入閣更衣。

公主從者餞壻之餘。壻從者餞

公主之餘。從者皆女人

公主見舅姑儀注

其日夙興。

公主著花釵服。褳翟。侍御如常。以見舅姑。執事
者設舅姑位於堂上。東西相向。舅位在東。姑位
在西。舅服朝服。姑服鈿釵禮衣。各就位。後東西
相向立。保姆引

公主陞自東階。至舅位前。東向立。司儀唱拜興。
拜興。

公主拜興。拜興。侍女奉棗栗進授。

公主。

公主受棗栗置於舅位前。舅即座。執事者進徹以東。保姆引。

公主退復位。司儀唱拜興。拜興。

公主拜興。拜興。保姆引。

公主詣姑位前西向立。司儀唱拜興。拜興。

公主拜興。拜興。侍女奉股脩進授。

公主。

公主受股脩置於姑座前。姑即座。內執事者進徹以東。保姆引。

公主退復位。司儀唱拜興。拜興。

公主拜興。拜興。司儀唱禮畢。舅姑醴。

公主如後儀。

醴婦儀注

公主見舅姑禮畢。侍女設。

公主位於姑位之北少西。東向。保姆引。

公主立於其位之西。侍女注酒於醴。進授。

公主。公主東面受醮置於案。侍女奉饌置於
公主位前。

公主即座。飲食訖。司儀請降座。

公主降座。司儀引入閣。

盥饋儀注

公主見舅姑之明日。行盥饋之禮。其日。設舅姑
位於堂上。舅位在東。姑位在西。又設

公主位於姑位之北。少西。東向。舅姑服其服各
就座。

公主服花釵翟衣。保姆侍女導從至舅姑所。北
面立。司儀唱拜興。拜興。

公主拜興。拜興訖。侍女以饌進授公主。

公主受饌進供於舅位前。侍女再以饌進

公主

公主受饌進供於姑位前。舅姑俱食畢。

公主退就位。司儀唱拜興。拜興。

公主拜興。拜興訖。保姆導引

公主就座。侍女奉饌供於

公主前。加以七箸

公主食畢。保姆請

公主興。詣舅姑前。司儀唱拜興。拜興。

公主拜興。拜興訖。退入閣。

饗丈夫婦人送者。

主人饗丈夫送者。主婦饗婦人送者。皆如常儀。

臨軒遣使

一

一

一

集禮卷二十一

一車缺

將軍

一車缺

將軍

一車缺

將軍

樂

位立侍官文

武官侍立位

引贊

引贊

護衛護衛護衛護衛護衛護衛護衛護衛護衛護衛

使者

副使

引禮
引禮

護衛護衛護衛護衛護衛護衛護衛護衛護衛護衛

鎮撫

禁禮

禁禮

鎮撫

崇禮卷三十五十八

天武
天武

天武

司錄光

司錄光

司錄光

司錄光

司錄光

司錄光

宿衛宿衛宿衛宿衛

天武

將軍

將軍

將軍

將軍

將軍

將軍

天武

宿衛宿衛宿衛宿衛

典儀

天武

納采

問名納吉納成請期同

集禮卷二十七

次副

位立副

位者

門

門

門

將軍

將軍

奉册官

奉册官

奉册官

奉册官

奉册官

奉册官

奉册官

位立侍官文

位立侍官武

位立

位立

位立

位立

見舅姑

東

公

服

儀禮卷之七十六

儀

贊

贊

贊

引使者位

贊

贊

贊者

贊禮

贊

贊

贊

贊

贊

大明集禮卷二十七

